



Comunu de Gèsigu



Centro Culturale Campidanu

**Premio
Letterario
Michelangelo
Pira**



Provincia de Casteddu

PRÈMIU LITERÀRIU PO IS SCOLAS MIALINU PIRA BOXIS DE BIDDÀ MIA - BOXIS DE BIDDÀ ALLENA

ARREGULAMENTU

Art. 1 - Su Centru Curturali "Campidanu" de Quartu e su Comunu de Gèsigu donant su bandu po su primu annu de su PRÈMIU LITERÀRIU MIALINU PIRA IN LINGUA SARDA *BOXIS DE BIDDÀ MIA - BOXIS DE BIDDÀ ALLENA*.

Art. 2 - A su Prèmiu podint pigai parti is scolas elementaris e mesanas de Sardìnnia cun obras no pubricadas, scritas IN SARDU SCETI (calisiat bariedadi).

Art. 3 - Is obras depint arribai a sa Segreteria de su Prèmiu a intrus de su 15 de martzu de su 2011.

Art. 4 - Ddoi funt tres setzionis: POESIA, CONTUS, TIATRU.

Art. 5 - Sa giuria dda faint:

NICOLA DESSÌ (archeòlogu, maistu de stòria e de lingua sarda); GIULIO SOLINAS (Presidenti de s'Acadèmia de sa Lingua Sarda Campidanesa); SERGIO MURRU (atore e arregista); PIETRO PERRA (sperto de didàtica de sa lingua sarda); ANNA CRISTINA SERRA (poeta in sardu); MAURIZIO VIRDIS (linguista); SUSY MONNI IBBA (segretària)

Art. 6 - Totu is traballaus premiaus ddus eus imprentai e mancai ddus eus a intregai a is scolas. Is traballus de profetu, mancai chi no imprentaus, ddus eus a pubricai in su situ de su Prèmiu.

Art. 7 - Totu is scolas e is crassis chi ant a pigai parti ant a arriciri una pergama de ai pigau parti.

Art. 8 - Dònnia crassi podit pigai parti a una setzioni sceti.

Art. 9 - Fait a preguntai crarimentus a sa segreteria de su Prèmiu, telefonendi a is nùmurus 070.83.13.40 – 349.342.00.05 o puru scriendi a amoscardia@tiscali.it

Art. 10 - Is obras tocat a ddas mandai a e-mail sceti, a toteduus custus bivimentus: pl.mpira@tiscali.it e gesicosociale@tiscali.it. Sa segreteria de su Prèmiu e su Comunu de Gèsigu s'ant a torrai sceda de ai arriciu sa litra.

Art. 11 - In sa litra eletrònica tocat a scriri craramenti sa setzione de su Prèmiu chi seis pighendi parti (Contus, Poesia o Tiatru), sa crassi chi at fatu su traballu, de cali scola, su nòmini e su sangunau de sa maista/professora arresponsàbili, su nùmuru de telèfunu de sa scola. Is obras tocat a chi siant documentus a parti (allegati).

Art. 12 - Is arresurtaus de su Prèmiu ddus eus a fai sciri in d-una premiatzioni-cumbènniu chi eus a fai a Gèsigu a is primus de abrili de su 2011 e dd'eus a fai totu in Sardu. Is arresurtaus e sa di' ddus eus a fai sciri chitzi a totu is chi ant a pigai parti.

SETZIONI DE POESIA

Art. 13 - A custa setzioni de su Prèmiu podit pigai parti dònna piciochedda/u cun d-una poesia sua.

Art. 14 - Dònna piciochedda/u podit pigai parti cun d-una poesia sceti.

Art. 15 - Sa maista/professora de sa crassi est s'ùnigu persona chi depit pinnigai e mandai is poesias.

Art. 16 - Dònna crassi podit pigai parti fintzas cun d-unu traballu mannu fatu totus imparis, ma de custa manera no fait a mandai poesias personalis de is piciocheddas/us.

Art. 17 - Ddoi funt tres prèmius (1^u crassificau, 2^u crassificau, ^{sd}3 crassificau), chi funt no po is piciocheddas/us de manera personali, ma po totu sa crassi e ddus eus a donai a sa maista/professora.

Art. 18 - Is Prèmius ant'essi librus bonus po sighiri a imparai su Sardu: a sa crassi de 1^u crassificau po unu tanti de 280 €, a sa crassi de 2^u crassificau po unu tanti de 180 €, a sa crassi de ^{sd}3 crassificau po unu tanti de 120 €).

Art. 19 - In prus de su chi eus nau in s'art. 18, is crassis bincidoras ant a arriciri una pergamena personalisada.

SETZIONI DE CONTUS

Art. 20 - A custa setzioni de su Prèmiu podit pigai parti dònna piciochedda/u cun d-unu contu suu.

Art. 21 - Dònna piciochedda/u podit pigai parti cun d-unu contu sceti.

Art. 22 - Dònna crassi podit pigai parti fintzas cun d-unu traballu mannu fatu totus imparis, ma de custa manera no fait a mandai contus personalis de is piciocheddas/us.

Art. 23 - Sa maista/professora de sa crassi est s'ùnigu persona chi depit pinnigai e mandai is contus.

Art. 24 - Ddoi funt tres prèmius (1^u crassificau, 2^u crassificau, ^{sd}3 crassificau), chi funt no po is piciocheddas/us de manera personali, ma po totu sa crassi e ddus eus a donai a sa maista/professora.

Art. 25 - Is Prèmius ant'essi librus bonus po sighiri a imparai su Sardu: a sa crassi de 1^u crassificau po unu tanti de 320 €, a sa crassi de 2^u crassificau po unu tanti de 220 €, a sa crassi de ^{sd}3 crassificau po unu tanti de 160 €).

Art. 26 - In prus de su chi eus nau in s'art. 25, is crassis bincidoras ant a arriciri una pergamena personalisada.

SETZIONI DE TIATRU

Art. 27 - A custa setzioni de su Prèmiu podint pigai parti una crassi a sola o prus crassis assotziadas, mancai siant de scolas diferentis.

Art. 28 - Po sa setzioni de Tiatru ddoi est unu prèmiu sceti (1^u crassificau).

Art. 29 - Su prèmiu po sa crassi a sola o po s'assòtziu de crassis funt 1000 € in dinai, chi tocat a ddus imperai po arrappresentai s'obra tiatrali a intrus de su 2012, fendi pigai parti is piciocheddas/us cun s'agiudu de un'atori-arregista chi at a agatai sa segreteria de su Prèmiu. Custu dinai su Comunu de Gèsico dd'at a donai a s'atori-arregista agoa chi sa crassi o s'assòtziu de crassis ant ai arrappresentau s'obra tiatrali.